


遂衷堂詩集後編



邃懷堂詩集後編卷三

寶山

袁翼



病起服紫團參

雄奇五行山上黨九州脊山人劬紫團巖谷遍搜掘
千春飽風露三椹孕脂液借彼甘温性治此情欲疾
豈知取精多坤輿亦傷脈巧者摘靈苗分蒔累千百
玉蕊吐芬馥温尉豈能識衆生寓宇內信宿郵亭客
不死本無藥金丹在我腋身病是心病一甌劑何益
瓦壚爇橡炭隔宵火猶赤階前桂已花天香送滿室

邃懷堂詩集

後編卷二

一

贈書賈李生

夙世應爲脉望仙古香微洒袖衿邊勞君處處搜殘
帙累我年年費俸錢鴻漸久荒烹茗竈玉川已賣載
書船絳雲傳是樓何在百萬圖書付劫烟

錢氏絳雲樓徐氏傳

是樓藏書之富甲於海內

上巳日集閒不閒齋作修禊會

劇飲衙齋十笏餘浴蘭風信報花初宋公說餅經須

食棗

補泥餅逸少流觴序自書柳圈祓除分客佩蕨拳鮮

嫩佐家蔬梅溪地瘠無兼味釣得銀鱧一尺魚

登水口寺樓

山抱魚城萬竈烟登樓平楚眺蒼然
蔗甜已入桑榆景藁苦須參解脫
禪有客亭中歌放鶴寺西里許舊有放鶴亭今
其趾已無人橋上聽啼鴉一關鎖
鑰分南北猶想龍天割據年

嶺上梅花盛開因事阻遊感題

相逢祇在歲寒時月落山空有所思
花是仙姿原絕世人非高士莫題詩
江南香雪離千里鄧尉遍山皆梅名香雪海
嶺上春風寄一枝清福幾生修得到
縞衣常伴水雲

邃懷堂詩集

後編卷三

二

湄

立春夜偶成

一年駒隙又駸駸臘鼓催春出遠林
銀鵲飛符軍務急始興賊玉蟲照影鬢絲侵宦途豈止車生耳家事
氛未靖常如草拔心不爲梅花檐下立
暗霜如霧濕衣襟

山樓聽雨徹夜不寐

鞍馬不離駱駝嶺篋輿常憇鳳凰城
山圍夜氣迷鐙影風攪春愁入雨聲
楊柳陰濃誰院落杏花時過近
清明池塘一尺添新漲蝌蚪終宵閣閣鳴

題同年周迪堂郡博掃葉烹茶圖

三卷新箋陸羽經巖前楓榭葉餘青
伯芻更記煎茶水月下中冷汲一瓶
畫中丰采認霜髭嶺北同官在此時
欲乞龍團嘗一勺玉梅花底共談詩

大嶺度嶺至南雄州

大嶺度嶺至南雄州

曲江鐵像今何在
蟻垤羊腸路十重
落盡梅花香寂寂
白雲一角寺門封

嶠山修水形如舊
吳芮梅銷骨已寒
一路鷓鴣聲不

遷懷堂詩集

後編卷二

三

斷綠榕城郭雨中看

村農簷笠賣瓜蔬
酒幌茶棚小市闌
來雁亭中曾信宿
擘窠大字相公書

中站行館阮芸臺相國額曰來雁亭後跋十六字云云

大庾關連小庾關
松杉夾道烏緡蠻
欲尋帝子讀書處
手採仙茅跨鶴還

桂花仙子

中站行館老桂一株土人稱桂花仙子

若有仙兮來娉婷
披霞帔兮乘雲駟
月光悄悄風泠泠
瑤階萬斛龍涎馨
鏡奩夜照蟾蜍魄
金粟華妝壽陽額
羅幃步虛不留迹
瓣香常奉流星驛

小溪行館

遙看西嶺已斜陽寂寞孤城驛路旁燕子不來春又
老一庭風送柚花香

讀史雜題

六藝經天日月如始知善惡稟生初漢瞞宋檜鈴山
叟豈有家傳教佞書
九載無功痛羽淵叙倫文命奠山川元圭錫後天仍
配屍劈吳刀是妄傳

依託朱門亦可羞勉齋年譜蓋旁搜雙峰不死如彭
邃懷堂詩集

後編卷二

四

祖僞學真堪塞九州

南渡山河日半淪龍川才調更無倫可憐痛詆陳同
甫出自方回賣國人

定山託疾三原去補義新成進御書地下荆公應暗
笑斯人剛愎竟如余

宿梅嶺簡孫穀人刺史

短夢頻驚醒西風昨夜來竹枝欹曲磴楓葉下層臺
秋老蚊生骨霜高鶴孕胎相逢期十月共賞隴頭梅
續修大庾縣志書職官志後

舊令甘棠手自栽去思碑倒沒蒼苔吾家合管梅花
嶺一百年中先後來

乾隆年大庾令袁錫衡字鏡伊亦韶江漁隱公後

無人大雨過章橋宿鍾氏溪樓徹夜不寐曉起題壁

小樓三面敞疎櫺樓外青山列畫屏一榻雨聲兼落
葉秋光涼到白沙汀

題潯江送客圖

庾樓明月尚當空一葉舟輕傍荻楓莫問青衫司馬
事琵琶亭在浪花中

邃懷堂詩集

後編卷二

五

野步

曲徑彎環石級斜松林深處亂啼鴉田家門巷無人
掃猶積春風落後花

峰山健兒行

峰山健兒好身手弩弓社裏皆良民陽明召募置帳
下一發十矢精絕倫三百餘年桑海變聯珠弩法傳
無人蒼山莽莽蒼波走人指新城賊淵藪新城雉堞
生蒿萊道左文成碑石朽雲帆百里南安來肱篋探
囊空所有昔時健兒願作官今日健兒甘作賊焚巢

薰穴何處搜聚蟻屯蜂亦難殛百六劫運將復開以
賊殺賊如轟雷崑岡烈火燎玉石健兒之骨同飛灰
中秋夜登南郡城樓

百尺譙樓聳天高夜氣清亂峰連五嶺一水抱雙城
月滿蟾蜍影風傳鼓角聲重門嚴鎖鑰烽火使人驚

登金鰲閣

海螺吹繞女牆行高閣憑欄夜四更頭白可憐心尚
動南安三載聽鐘聲

巡街過鐵漢樓

邃懷堂詩集

後編卷三

六

劫灰飛後峻樓傾留得錚錚不朽名事到盡頭爲鐵
漢心無轉念卽金城黃沙影裏雙鞍跨皓月光中一
劍橫有客來占壬遁數爲言嶺北可休兵

八月生朝示內子

未雨綢繆悔已遲捫心怎不愧瘡痍一軍擾擾蟲沙
化萬戶惶惶鶴唳疑刎頸早拚同殉志齊眉今算再
生時雛孫舞綵還嬉戲強對黃花醉十卮

過了山入僧院

籬角東西一逕分僧衣挑曝趁朝曛背人鼠竊林梢

果逐影魚吹水面雲蓮社何年結香火桃源此處少
塵氛山農識我安民意爭向車前慰使君

過葉處士山莊

板橋流水繞疎籬中有前朝處士碑榭葉未看黃半
樹菊英已吐紫雙枝園收芋栗鄰分惠室贖琴書盜
不窺莫爲萑苻輕避地須臾還是太平時

昔年

昔年羈跡鄭公莊花繞疎籬竹繞廊三五時來詩酒
客東西都近水雲鄉枕嫌低矮書囊襯臆要通明鬢
遽懷堂詩集
後編卷二
七
鬢鑲最愛盆荷開菡萏深宵金鴨不焚香

郭外青山水面樓畫簾處處挂銀鈎伯通故宅尋鴻
廡短簿遺祠傍虎邱紈扇詞題金縷曲玉簫人坐木
蘭舟阿翁於此婆娑日算卧鍾離一枕頭

布帆送我白門東水漲秦淮路不通萬里江聲春夢
裏六朝山色雨絲中漏天難補媧皇石拂樹誰占少
女風愁殺羈留孤館客金樽檀板霎時空

是年金陵大水秦淮

樓榭僅見
檐脊而已

幕府休言記室尊浪遊策馬歷晨昏二陵風雨連龍

塞三晉河山鎖雁門詩卷嘔心新樂府英雄埋骨古
中原回頭往事渾如夢何處飛鴻覓爪痕

霜影

霜影星星兩鬢邊歸耕那得買山錢病多到處求良

藥老至逢人羨少年骨肉存亡懸夢寐江山慘澹起

烽烟杞憂遽莫嘲愚叟挂劍欄杆欲問天

聞三弟野
漁殉節京

江

中秋後一日憩真隱觀

秋色空濛樹裏藏葛衣微惹桂花香霄邊雁鷺沈孤

邃懷堂詩集

後編卷二

八

嶺郭外烟波送夕陽講院鹿遊莎徑没丐仙鶴去草

亭荒天南莫嘆多兵甲此與桃源共一鄉

野望

畚田愁作石田荒杲杲炎空火繖張多少蒼生望霖

雨卧龍無復起南陽

夢中得鶴帶晚烟二句醒後足成一律

二千餘里隔雲山夢鞍馳驅未得閒鶴帶晚烟歸玉

枕

玉枕大庾
縣山名

雁銜秋色過梅關

南雄州有來雁
亭以雁來爲瑞

郵書

淹滯兵戈外家運迤邐骨肉間東望婁門天咫尺承

平何日唱刀環

宋虛谷廣文由萬載勸捐回署過其齋中

軍符籌餉敢稽遲來往真同驛使馳方憶鬪生紆國

難共聞卜式助邊儲

君家一族捐助兵餉銀九萬五千兩

驚魂稍定枌

榆里

賊過萬載大掠四鄉

冷署彌甘苜蓿蔬憐我囊空無阿堵

江陵劫火到圖書

五言十八里

十八聲停記里鼓河間始女錢工數門前枉費墜鞭

心落盡桃花春無語儂身不屬遊冶郎飛宿自有雙

邃懷堂詩集

後編卷三

九

鴛鴦紛紛蜂蝶來去忙酒槽新滴籜糟香

七夕

江南兒女話辛酸庭下無心薦果盤却羨天孫宮闕

穩銀河永不起波瀾

舖里閏七夕

隔月女牛重會面填橋烏鵲莫遲慵人間天上皆歡

喜三十年來兩度逢

乙酉閏七月迄今甲寅閏七月

三村桃花

三村士女共尋春貞婦荒阡未勒碣千古桃花同薄

命馥華不作息夫人

事見蘇香山館詩鈔中

妙筆宣揚季重才落紅如雨溼泉臺從今不是天台
路劉阮無勞採藥來

送孫月坡文學之樂平縣李資齋大令幕

幕府題襟客相逢惜暮年詩成梅樹下淚落酒樽前
知己酬無地勞生欲問天何如歸隱好角里有遺田
驛使方傳箭潯陽蟻陣屯避兵纔幾日話舊尙驚魂
鞭鐙倉皇影烟雲起滅痕君虞能愛士唱和匹西崑

題李寶之明經畫冊

邃懷堂詩集

後編卷二

十

桃花開落不知春未許漁郎來問津炊黍無烟鷄犬

寂此中容得避秦人

桃源問津圖

曾向南華祝瓣香西來衣鉢問誰藏而今滄海橫流

處初祖應難一葦杭

達摩渡江圖

暮雨入秋詩和王窗山明府韻

秋簾

不隔相思淚幾行芙蓉落盡惜宵長燕辭東閣襟仍
紫人瘦西風額尙黃一桁繡波微瀉影半爐烟篆妙
留香瀟瀟不捲重陽雨卻置銀鈎在枕傍

秋帳

金井梧桐露氣侵蕭疎紙幌冷難任爲揮白鳥攜團扇莫被青燈笑獨衾翠羽明珠空羨慕寒蟬病蟀共啾吟昔年曾宿羅浮嶺夢繞梅花萬籟沈

秋燈

兒時有味最關情身世相依只此繁風雨半窗殘燧暗琉璃一點慧光明微茫蟹舍星猶閃辛苦鴛機月又生何處酒樓聞笑語蓮籌已報漏三更

秋硯

遂懷堂詩集

後編卷三

十一

石生憔悴去何之玉帶腰圍瘦自支蕉葉有痕疑滴淚楊花無影不黏池山峰琢就仍歸劫心血磨殘總是癡莫笑矮柔眞冷面相逢恰在隕霜時

秋籬

處士幽棲不厭貧此中風景畫難眞伶俦尙繞尋花蝶補葺還勞折柳人細雨藤蘿牽曳密夕陽雞犬往來頻便思采菊從元亮乞取南山自在身

秋井

那有銀牀面面遮延年靈液漫爭誇煉丹仙去應留

藥抱甕人歸不種瓜絡緯悽啼三徑草臙脂遺恨六
宮花輓轡轉罷斜暉晚涼透西窗白芷紗

秋篷

楚北淮南路各分舵樓惜別話殷勤一樽喜聽灘頭
雨六扇斜拖水面雲瓜艇市心橋不礙蘆花簪背雪
初紛扣舷有客凝眸眺嘹唳征鴻響遠聞

秋鐘

鏗鯨僧啐法王函霜曉天高肅蔚藍飯後誰憐寒士
餓更闌莫放睡魔酣紅塵夢待蒲牢喚白雪禪從蒼

邃懷堂詩集

後編卷二

七

荀參百八聲清方夜半江楓漁火認茅菴

寒山寺鐘
至今夜半

乃撞知唐
人非誕語

益山茶歌 并序

嶺北民間喜植山茶佳種甚多亦性愛此
花三年承乏惟飲南浦一勺水有門生故舊
以此花餽者則不辭復按譜購求紅如鶴頂
白如蕊珠置諸露井之中迴廊之側自十月
至於二月洵足娛目賞心也昔人以海棠無
香爲千古恨事余謂若山茶有香則牡丹芍

好戲音藥不敢正視豈海棠之可比乎癸丑夏五自
庚嶺適豐溪因吳城聞戒寄花於西郭古寺
天魔劫火燎及仙株悵恨久之後知鉛山曼
陀羅遠近著名遣僕往購得六七種而何溥
泉廣文贈余五盆有獅子笑六角蓮諸名且
喜且感今簇霞銜月漸次舒葩紅袖縞衣重
來結伴風景猶似昔年所不及大庾嶺頭者
無梅花數本掩映其間耳乃繫以歌

平生千卷書耽讀餘事愛花看不足揭來嶺北花種

邃懷堂詩集

後編卷二

三

稀祇有山茶最娛目天生絕艷惜無香汝與海棠同
命薄傲吏黃金不入囊邴餽花枝當竿牘芳名一一
標牙牌鶴頂寶珠赤城玉東坡本自蓬萊謫且愧冰
姿對苜蓿塵容俗狀我更慙羅列瑤盆滿齋屋白者
簇雪紅攢霞富貴居然敵金谷飄蓬蹤跡不自由橫
浦忽移帆六幅輕裝羞澀惟鶴琴併載仙株如眷屬
慈雲擁護仗菩提劫火倉皇殃草木梅關四載爲勞
薪幸有名葩伴昏夙豈知造物厭衰朽絳樹紅綃奪
我速有客昨自鷺湖來爲言佳種亦超俗急遣長髯

按圖購似訪西施溪一曲貧家養女嫁常晚身價無
須珠論斛慷慨樽前贈美人世間乃有何平叔香國
原留補恨天癡翁仍獲看花福林泉樂事後難必冰
雪前緣今暫續作歌珍重謝故人寄與南飛兩黃鶴

連雨水漲

青山環縣郭郭外水盈瀆連夜雨傾盆大浸撼茅屋
溼雲化暝霧遠失松峰綠仲秋氣淒凜似日行北陸
得非大兵後蒼赤遭屠戮冤憤干天和以致愆亭毒
憫彼無褐人驟凍身踉蹌陽和卽回澤冷暖常倚伏

遂懷堂詩集

後編卷二

十四

津吏競來報水痕一丈縮隴稻可豐收殘冬有餘蓄

勸捐柬呈華堯峰編修汪化亭吉士

月耗廿萬銀參養惰窳卒捐輸濟官帑半載又告竭
毀家臂剝肉犒士湯沃雪發棠人復請搜粟尉仍設
皮毛已僅存誅求且到骨魚冊上中分鶴租多寡列
殷戶或頑抗僉議三倍罰記名更記數畫諸筆親掣
猶防不肖吏染指致乾沒枋鄉兩詞臣沿門勞步履
共識公正懷勸導頗周貼豐溪稱沃壤時屆青黃接
十方功德錢出自心香爇集腋竟成裘寸衷亦稍愜

我願孫武書軍營置一篋因糧在敵人此語慎毋忽
題傅青主先生霜紅龕詩集後

澄潭朗月助精魂別有珠璣吐舌根書向西京求伏
壁詩如東野敵韓門半生土室滄桑過一代遺民姓
氏尊除卻亭林知已少三家才調漫同論

題樊榭山房集後

西湖深處老煙霞入識徵君五柳家別有詩禪參妙
諦一池月浸白蓮花

微雲河漢玉摩詰落葉空山韋左司古艷在胸香在
邃懷堂詩集

後編卷三

五

骨吳儉未許讀公詩

重至省垣有感

澤蘭殤折送楓根

第三幼女吳姬所生

德勝門西小塚存幸免

赤眉開古曠且培黃土作孤墩雪中明滅等鴻爪風
際伶俜化蝶魂留得金環待誰覓再生因果不須論

鷹潭

青山龍虎氣千里黯然收野曠添軍壘村荒少客舟
鳥聲猶帶恨花態若含愁此地頻虛警蘭橈莫逗遛

祭張忠文公祠

帝后蒙塵恨若何孤臣忍渡白溝河兩京父老空垂

涕六賊猖狂力議和飲水不餐金虜粟班師難奮魯

陽戈金師日逼公統兵勤王耿平仲恐敗和議急撤止之薦馨故里神來格今

日淮南盜更多淮南盜首宋江等橫行河朔公以計討平之

水南過徐白舫先生草堂留贈

韋曲山莊綠水邊柴扉左右白沙田蓬池館閣無同

輩辛未庶常桂苑科名有後賢觀畫早參裴相慧傳經將

屈伏生年著書歲月渾忘卻手種松杉已作椽所著詩文

集外有妙海心珠雷鐘警夢錄等書

邃懷堂詩集後編卷三

六

巋然人仰魯靈光謝紱還家鬢未蒼鹿洞鷺湖開講

席吳山粵嶠倦行裝襟懷北海樽前見詩稿東林寺

內藏半日清談容造膝歸驄不礙趁斜陽

雨中過大南嶺憇僧舍

避雨迦陀院青茅蓋四簷笥鞭橫石砌荔帶補蘆簾

香溼鑪中燼詩殘壁上黏一關當谷口設險足鉤箝

顧香畹比部白都回里承過衙齋

兵甲東南道路艱紆迴半載抵鄉關人來楚尾吳頭

外春在花明柳暗間乞假料無提觀俸移家欲買讀

書山鳳雛最羨聲清甚轉眼蓬瀛侍玉班

輓章實甫茂才

銅陵章屏臺夫子司訓寶山其孫實甫茂才從余受業後由粵東回里江程阻隔並知銅陵久為賊踞民皆蓄髮其妻子不知流落何處遂留余廣豐署中忽生奇疾兩月而沒權厝西山真隱觀旁可哀也

雲亭載酒失侯芭埋玉西山淺淺沙十口妻孥防陷賊七年嶺海苦思家裝貲盡耗鑪中藥吟卷空留百底花親見師門三世事箕裘零替獨長嗟

春日排山道中雷雨交作留宿王氏山莊頗饒

遂懷堂詩集

後編卷二

七

花木之勝

五日東皇懶放晴滂沱廿里阻歸程烟迷桃杏難分色雨滴蕉梧不辨聲赤電為誰開口笑青山初學畫眉成豐溪曾駐蘄王節掘得沙灘舊酒罍主人云山世忠所掘井及上馬石今土人於沙灘時得犒軍酒瓶後有宋韓

拜叟冰溪先生墓敬題

自上饒回廣豐因公繞道經其墓下

不愧賢如父能為王佐師登樓辭冕日繫獄演爻時

國史無專傳鄉閭有地祠墳前人下馬滿目草離披

王文成公為先生高弟

信陽道中卽事

沙磧走崎嶇漸入橫峰路晨光已熹微松柏尙凝露
一溪無木橋牧豎跨牛渡茅店四五家輿夫息肩駐
老翁扶杖來殷勤若垂顧言過驚蟄節比戶整農具
此鄉風俗醅歷年少逋賦須臾日曛隴嵐翠撲衫屨
嫣然籬落間桃花數枝吐

過夏曉藻廣文學舍看菊

看花先到枳籬東踏碎苔階碧玉叢十里秋聲殘照

外一家情話冷香中湖山意氣推名宿君向客皖省大府幕中

邃懷堂詩集

後編卷三

支

書畫頭銜署醉翁

君善畫梅竹

莫問柴桑元亮宅劫灰飛

盡長蒿蓬

君德化人今無家可歸

聞包慎伯大令沒於袁江寄輓一章

耆舊晨星更數誰天涯消息恐傳疑賊來建業移家

後久客金陵移家名重桐鄉去職時權令新喻因不

薄文章虞與魏論近代古文謂虞伯生可繼伯生若論風誼

友兼師南州樽酒西州淚寫入招魂宋玉詞

寄懷錢直卿茂才

一門伯仲兩鴻儒子弟烏衣盡鳳雛才調如君同輩

少亂離作客憶家無
吳江楓冷音書斷
庾嶺梅香倡和孤
欲整歸鞭須早計
玉山道上待維駒

豐溪官舍送章西巖表弟歸寶山

後會知何日
東西千里程
眠餐休落拓
盜賊况縱橫
身老官爲累
時危子亦輕
癸丑以來江右喪亂不復作生子想
夢魂隨汝去
恍聽海濤聲

五都道中

盤旋石徑白雲遮
松竹林中老圃家
大甕封缸煨榾

柶小橋編筏架
橙枒

村酒佳者謂之封缸用微火煨之

萬株茶樹多

邃懷堂詩集

後編卷三

五

生子七月薔薇尙吐花
桴鼓不驚民氣靜
此間猶算好年華

春曉野步卽景

春水溫燉鴨未知
苔磯霜冷立多時
東皇漸展丹青手
點染桃枝與柳枝

送謝曉渠孝廉之閩中李小湖學使幕

蘊山中丞汝曾祖
純廟承平稱碩輔
經儒兼擅良

史才同輩錢王極
推許

錢竹汀宮詹王西莊閣學

賀六渾起魏鼎

分黑獺迎君作
販賈孝武西奔事
孔多李家父子十

遣五中丞西魏撰紀傳馬陸南唐書並數一編千古
壽名山四庫琅函入史部先人手澤鑿楹藏詩禮清
芬被門戶輒紅兩踏長安街未到蓬瀛作仙侶飄然
去泛武夷船九曲棹歌須記取荀令衣香三日留水
旁觀者環如堵衡文冰鑑氣味投斲削還資脩月斧
故鄉烽火不可居僕討榕城尙樂土寄語星軺李鄴
侯老子聞雞懶起舞眼看公等建高牙迅掃蟲沙澄
九宇

孝廉與學使皆余分校所得士。中丞西魏書板藏揚州某孫家未知遭兵火否

泊舟洋口紀夢

邃懷堂詩集

後編卷三

于

籬邊隙地遍栽麻近海樓觀早晚霞蠶子浴時桑綻
葉蜂兒喧處菜抽花簡編插架三千卷鄰里分肴四
五家回想黑甜非幻夢卅年前景本無差

郡城克復卽事偶成六絕時余將赴弋陽并留

別廣豐士民

咫尺烽煙萬戶驚黑山賊騎忽收兵輪迴不墮紅羊

劫此後餘年是再生

三月二十四日賊由郡垣分股來擾廣豐行至十里橋賊首聞

羅觀察大軍將抵城外傳令旗追回

細柳韜鈴倚馬才勲名他日重麟臺信州父老銜恩

泣多向營門叩首來

羅觀察大軍馳抵郡城賊出西門拒戰我兵殺賊無算

果然天上下將軍重見鷹旗掃逆氛千四百年循吏

在甘棠猶芾信江濱

指三月二十六日李眞君白旗顯神事

葛陽滿日感瘡痍一局難收敗後棋自問濟時才具

短瓣香慚奉壘山祠

旁午軍書兩載過豐溪孤負好山多龜峰水月前緣

在石壁題名跡未磨

道光八年舟過弋陽遊龜峰一日

蔀屋誰聞五袴吟西山回首白雲深平生不飲貪泉

水溪上梅花鑿此心

豐溪梅花甚多不減庾嶺

邃懷堂詩集

後編卷二

三

弋城偶感

泣官纔匝月百廢豈皆興黑白探丸急蒼黃蜚語騰

瘡痍猶滿目撫字益煩膺畫角城頭咽霜寒甲帳燈

威武宜春兩軍猶駐弋城

溪滙靈山水東西弋字成龜峰開翠色鳧石吼濤聲

戶滅炊烟少田荒蔓草生從今枹鼓絕莫放杜鵑鳴

杜鵑見江上雜感詩註

寄訊友人潯陽

傳聞身陷賊消息是耶非池沸魚皆爛梁空燕不歸

妖星芒四角昏月暈重圍倘入征南幕霜花滿鐵衣
讀少陵詩偶成四律悲思
艾城青犢去琴水赤眉來無地逃兵劫祈天降將才
三年斨斧缺四野雁鴻哀投老慚君父情懷若死灰
河上逍遙帥山頭草木兵債軍誅馬謖殺賊怖花卿
未亂誰籌筆臨危盡棄城道旁扶杖叟流涕望昇平
少保新書在艤艫習水軍京江迷豹霧鄂渚隔鯨氛
裹甲勞飛饜拋戈冒戰勳潯陽大星隕痛失武安君
都尉嚴搜粟中郎恣摸金算緡桑孔術寬綱禹湯心
蓬懷堂詩集後編卷二
莫怨脂膏竭當思雨露深流亡萬家屋涼月照空鸞

三

登觀音閣

觀音古蘭若高枕東郊麓才登十級梯一覽眾山綠
亂後我來遊景物悽以蹙鐘零鼓亦敗餅鉢乏饘粥
仙佛本超劫猶爲劫縛束豺狼劇縱橫龍象難降伏
一僧前致詞流寇此信宿金身先拽倒次乃扶雙目
沙彌涕沾膺老夫笑捧腹世尊垂慧眼六合遍瞻矚
頂上大光明無斷亦無續况悲眾生苦不惜剜劓肉
區區範銅像豈畏當鋒鏃緬懷締構初藩后祈冥福

東嶺開赭石西山運楠木荏苒四百年日月疾轉轂
朝市幾變遷招提未傾覆莊嚴三寶相舊觀終當復
憑欄一長嘯餘響震壑谷飛蓋酌龜峰雲中見白鹿

平生謁謝文節公祠憂患辭坐臥城中藥劑三

采薇歌外無文字公有楹書付後昆流涕獨裋曹孝

女逋臣不作趙王孫橋亭卦硯遺塵世鶴駕麻衣返

墓門歎息江南廝養少燕京當日忌公存公不餓死

公留夢炎程文海輩不識公心並不識世祖必殺

心昔吾友毛申甫以此論爲然故附記於此

示諸姪二首
三

遠懷堂詩集後編卷二

顏齡似鴛鴦征行未解馱明沐君父恩時時飽荳莖

况今楚吳粵百邑盡殘破高牙大纛人無策弭兵禍

微名復何心棄之若洩唾吳淞好烟水茨屋可偃卧

所冀諸姪中崢嶸得一個執藝雖各殊皆足免飢餓

類狗固堪弔爲虎亦奚賀嗟哉伏波書汝曹日當課

平生性命輕國事方憂患獨坐危城中凜凜三夕旦

方寸持定力生死歸大限偶然一動心噉噉澤中雁

江右二十年趨趨營薄宦頭顱已白盡家計未遑辦
尙欲製鎧甲有事身先擐觀汝兄弟狀未語涕先潛

勸我投版歸相守饜藜覓甌空且忍飢衣裂詎須綻
譬諸航海人收帆到彼岸卿言亦復佳我累奈羈絆
久辜猿鶴招此孽不可逭力圖死前休得失庶操半

點兵

紅旗拂鳥翼雪戟排龍麟健兒好身手三千如虎賁
慷慨帥登壇氣欲吞黃巾軍書十二卷卷卷姓名真
豈知點鬼簿中多未死人黎邱巧變相木蘭代戎裝
詭名寄軍籍日日虛糜糧我思古名將聰明記憶強
點兵識一面終身永不忘前有孫伯符後有張睢陽
蓬懷堂詩集後編卷二

月夜舟次聞角聲

五

地鑪不自紅石炭佐其功肌膚不自暖美酒澆其胸
憶昔客京華寂寞成枯僧不資扶搖風安搏滄海鵬
一官落洪都逡巡牛馬走手板或倒持眾咻獨閉口
三年泛靈水撫字慙龔黃變生倉卒間信陽作戰場

八月生朝自述

干戈未定莫閒筵桂任飄香菊任妍舞綵雛孫來索
餅祝釐胥吏共疑年家無十畝桑麻地身戴奈四朝
雨露天漏盡夜行猶役役養生畢竟愧彭佺

獨立

祈蠶賽麥農桑業白拂青鞋香火禪喫飯世間誰最
苦冷銅山重壓雙肩

斷無代艾磨菱角那有縫裳屑藕絲頑健此身無著
足針尖偏要立多時

肩輿勞頓小憩村舍

道左迎官半老翁殷勤留憩草廬中年穰已免村牛

賣兵過都愁母彘空稚女茶花雙髻紫

即山茶花歸樵櫛

葉一肩紅太平景象當旋復十日甘霖五日風

邃懷堂詩集

後編卷二

五

小病枕上

隨地誅茅便掩關巢由豈必買青山心驚上下危灘
裏夢繞東南戰壘間齒欲離窠先机隄足因生繭更
蹒跚子雲未老童烏死符命元經一筆刪

叢莽中開出小圃一區周圍皆二丈餘旁有蠟

梅一株向爲惡木所翳生意漸凋今亦豁然

疎朗得受風露喜而賦之

我如叔孫媪所在葺牆屋敢謂逆旅踪此間暫信宿
偃息愛疎豁卽欲斬惡木架椽縛茅茨築圃藝葵菊

况有素心人棄置遭屈辱拔擢出泥塗三薰而三沐
似感主人恩蠟丸報一斛此君溯苗裔別出羅浮麓
憎他狗蠅輩齷齪非我族嘉名錫黃香花史筆當續

登署後土山

篠密蘿深窄徑迷土山不用杖青藜暫銷蠻觸安蝸

角漸喜尖團壁嶰臍

彭澤人來賣嶰
喜江路漸通

俗吏本非三語

掾嚴關誰守一丸泥回頭往事真堪恨無數生靈作

犬雞

賊陷弋城殺三千
餘人棄屍土山後

尚貪

邃懷堂詩集

後編卷三

三

尚貪五斗折腰支典盡琴書未賣癡日月無膠黏不
住功名有徑捷仍遲囊空自述三年宦句拙常塗四

壁詩卻羨放翁身已乞頭銜許領武夷祠

有客餽武
彝茶一篋

以爲眞九曲中
茶也感念及此

過龜峰不得遊

四聲谷口昔年遊石壁題名爪迹留尖峭峰巒猶入
畫蒼茫烟雨最宜秋山靈相識應青目俗客重來已
白頭倘有龜堂尊宿在詩筒早寄葛溪舟

洗腳亭

洗脚亭前白石橋西風木葉下蕭蕭遙看城郭還如
故五百年來萬事銷

聞瑞州被陷寄訊朱芷汀孝廉

門下傳經士惟君獨起予時逢多難日家有未成書
烽燧驚鄰照櫓槍射斗墟華林堪避世添結數椽廬
一日過潮水巖觀一日三潮處

大塊氣嘘吸江海潮長消乾旋坤轉億萬載一日十
二時不消怪哉一卷石龕赭分秋毫地下出泉七尺
坳盈縮候應錢唐潮老仙蛻骨瘞何處空將靈迹留
遂懷堂詩集

後編卷二

七

山椒有客探奇駐鞍馬信宿碑亭驗真假汲餅甘冽
試新茶溢入春陂碎珠瀉晝夜闔闢造化機此中橐
籥微乎微六合內外大千界異事洵有非傳疑我來
斜日橫山香水涸方池少涓滴十里回車拄杖看峰
巒倒浸琉璃碧僧廬掃榻燈火闌埃卒來報汝又乾
荒雞三唱尙無寐細思物理方長歎

桐木關

興廢歷四朝崇關圯荒楚關址今猶存亂石堆如堵
耕氓數十家散處非族聚寒沙走疾飈淡日隱遙浦

唐家有遺民宗派守殘譜尙知黃巢名舌縮不敢吐
承平二百年那復識鞞鼓策馬陟高岡四顧久延伫
一夫足當關此地實險阻函谷在眼前莫謂葛爾土
捷徑走微饒上遊控建撫信陽咫尺間形勢亦頗輔
方今盛萑蒲所在多跋扈守將貴得人毋使越銅柱
西院枯樹

食鱸魚膾

張掾黃花賦散金鬢絲如雪有歸心秋風不爲蒹鱸
遂懷堂詩集後編卷三
起莫望東吳感慨深

食東坡鱸

無復延英侍玉坡山廚一鱸味如何投荒萬里南溟
險祇爲朝中肉食多

塞上短歌

臙脂馬背馱去向陰山哭不是少黃金蛾眉無處贖

一夫遊智果院

四圍杉栝翠成林中有招提傍曲澗泉挂樹梢猿倒
飲花藏葉底蝶偷尋山河大地虛空影鐘磬諸天寂

冥音卻被懶殘留，啜茗坐聽高柳一蟬吟。

長歌行送程卧梅刺史歸荆溪

卧梅臨別勸我歸吳淞。

贈詩有吳淞江口望歸船句。

我欲買田陽

羨相陪，從平生不如意事十八九。登場傀儡牽掣憑

天公，故鄉萼鱸佳味久，縈念昨宵倚欄蕭瑟愁。秋風

君作鷺湖山下萬家佛，脫離虎口便策遊山筇。

君謝事二

十日賊至鉛山，避地崇安，留別士民詩有脫難真同虎口邊句。

武夷老仙夢裏若招

手，青鞋布韞踏遍高低峰。棹歌九曲宛轉出新調，小

長蘆屋驚倒朱十翁，不識臨汝廿年共聯轡。四方上

邃懷堂詩集

後編卷三

无

下迨逐如雲龍君，今挂冠神武返鄉里。我似藩籬鷄

仰霄邊，鴻懸車馬齒，豈復戀槽豆十郡烽火無地安。

吳儂丈夫報國不論位，貴賤頭顱熱血願灑沙場紅。

奈此桑榆斜晷已，西景風波宦海及早收危篷。請鄰

祭竈歡笑徹廬內，猶勝一棺長闔歸江東。作歌慷慨

與君盟息壤，他時罨畫溪畔當重逢。天南半壁山河

幸恢復，元白二老尙得傳詩筒。

雜感

青犢連橋過洞庭，江程千里血波腥。哀時有客成詩

史退敵何人讀孝經雨漲潮連瓜步白烟昏山失皖
公青汾亭敢說從遊士元直魂歸駕鶴輶

東南禹甸尙安全兵氣宵騰白下天內府金縉空庫
藏將軍歲月老樓船匡山雲影旌旗繞蠡澤潮聲鼓
角連尺一詔書催戰急期門都護出甘泉

赤眉銅馬似芬絲討賊先聲羽檄馳慷慨原思援梓
里遷延已惜過瓜期巡軺使者求持節入幕軍諮阻
出師樽俎折衝良不易諸公何以報丹墀

貔貅萬竈暮雲黃路隔天台白石梁北面有人師廣
邃懷堂詩集

後編卷三

三

武東風何日助周郎算丁祇賸三空室呼癸纔餘七
日糧留得前賢韜略在李臨淮與郭汾陽

江流九派接雙孤千里孫恩集戰艦篝火訛言興大
楚妖書餘唾拾耶蘇登壇上將誰揮筆乘傳儒生已
棄繻聞道龍驤持節至功如造塔合尖無

帳前黔楚健兒多翻覆蒼黃慮倒戈萬騎鮮卑圍石
勒中原將帥用廉頗但聞道路逢豺虎未見軍容肅
鸛鵝試問陳濤師潰日房公車戰究如何

宵旰誰分側席憂販繪屠狗應旁求從軍子弟朝豚

大僭號君臣笑馬牛橐籥偶然愆玉燭虬螭妄想撼
金甌江東卻少夷吾輩空泣新亭學楚囚

天啟錢背
鑄牛崇禎

錢背鑄馬爲闖賊及
僞相牛金星先兆

意西對青漆鼎宛東

深山何處寄行蹤十郡猶傳斥堠烽父子兵從團練
使酤茶稅權大司農路通北亳遭青犢人向南陽弔
卧龍值百當千錢復見赤烏遺製久銷鎔

不留雞鶩在山庖墟落千家瓜蔓鈔欲竊兵符椎晉
鄙誰攜愛妾避黃巢關河有淚征衫濕天地無情戰
骨拋太白光芒霄際歛班師早晚聽金鐃

邃懷堂詩集

後編卷二

三

蛟鱷腥氛鬱未開江皋焚屋長蒿萊讀書趙括眞庸
將降敵張元亦異才娘子軍傳城上箭佛郎機發地
中雷故園三徑荒蕪盡老不歸田已可哀

題俞芝恬幕佐自繪丐婦戲猴圖

記室才華幕府尊烽烟避地幾驚魂山林有約尋仙
伴粉黛終羞倚市門蓮步歌殘商女曲玉環人識劍
翁孫憐君一幅牢騷意酒後青衫濕淚痕

金甌獅江官廨呈同年朱鼎臣刺史兼示幕佐成梅

大野溪茂才

詞本稟蕭郎然恐王獻賦

三鎮遭蹂躪獅江幸瓦全鄉兵團子弟十六姓義練勇賈客

算車船茶市提綱稅芝廛賃屋錢咽喉通水陸莫使

阻烽烟

司馬紅蘭署書巢我暫栖養疴添藥裏謝客少輪蹄

兩點蘋根細雷聲竹外低陳蕃能下榻高義感招攜

花木仍無恙髯奴灌溉勤汪春生司馬因公回樽前

逢舊雨樹杪望停雲要路油幢集閒曹羽檄紛西風

殘暑退話久夜常分

記室才華富汪倫眼獨青讀書探二酉佐治重雙丁

邃懷堂詩集

後編卷二

三

余署安福邀茂才掌書記令弟稼田上舍遠驛書難

精申韓之學余官大庾延主刑席三年達孤燈夢易醒西湖歸隱好家近白鷗汀

題王叔彝觀察蘆灣矜寇圖

吳淞入海江朝宗七十二灣潮汐通葭汀蕭瑟岸紆

曲漁舸欸乃烟冥濛一帆滬瀆泛秋月扣舷獨弔袁

山松閩粵遊魂化蝨蠻滬城踞作逋逃窟紅巾尺幅

裹麈頭剽掠千家少完室負嶼一載螳臂撐沿島飛

符阻銀鵠豈知殺賊仗書生氣蓋江東笑捫蝨王郎

家世爲清卿白恰揮塵常談兵詞壇旗鼓敵青兕詩

律壁壘稱長城海上烽烟正傳箭堂中賓客猶調箏
千人配府桓叔夜八陣演圖馬孝興餉軍奚但衛桑
梓殄寇旋見殲鯢鯨豸銜鹿轂晉方面持節細柳來
屯營玉山道上逢文度話舊綢繆是親故尊公懷祖
壯齡時畫舫同遊桃葉渡蕭臺潤別三十年領軍得
見班都護將星高挂金剛峰金剛王
邑山名叱退蚩尤歛妖
霧吏民哀我老且愚磨盾尚能草露布蘆灣事往跡
未銷粉鄉安枕公之勞披圖風雨聲澎湃恍聽春申
浦口濤

遂懷堂詩集

後編卷三

三

避地定陽寓寮閫寂感鄰家神女降乩之事偶

賦仙女三絕非意有所指也

太原相國女曇陽待嫁璇閨玉潤亡尸解情緣終不

解髻鬟手翦耐徐郎曇陽
子

蘼蕪荒徑月明中衾寢齊牢夢已空野史燒殘紅豆

死柳星仍傍翠微宮翠微
夫人

嗟峨王屋鎖曇雲南嶽夫人授籙文落盡梅花高嶺

上驂鸞來弔相公墳空雲
女冠

玉山蕭素材太守以沈石田山水畫冊贈浙中

徐仲水大令頁尾有傳是樓珍藏圖章崑山
徐健菴司寇舊物也仲水寄籍黔中實司寇
後裔受之甚喜一時佳話不可無詩

大癡六法走雲烟付與吳門白石仙傳是樓中藏弄

久一櫺化去在何年

繪事微言沈石田山水
宗大癡爲明世第一

孝穆才華軼等倫玉峰門第宰官身蕭齋太守風流

甚趙璧仍歸舊主人

細柳屯營上將臺軍諮年少借長才

王叔彝觀察備
兵玉山仲水爲

軍

諮三生蕭絮留因果若爲名人墨寶來

邃懷堂詩集

後編卷二

壽

水墨幽香暗襲衣青山紅樹送征驂定知一幅梁朝

檜攜得風雷滿袖歸

石田翁有水墨三檜卷世稱神
品自題其上云傳取梁朝檜神

去袖中疑
道有風雷

大癡去去去雲嵐付與吳門白石仙

大癡去去去雲嵐付與吳門白石仙

宗大癡有題此卷一
辭事蹟居在石田山水

大癡去去去雲嵐付與吳門白石仙

大癡去去去雲嵐付與吳門白石仙

大癡去去去雲嵐付與吳門白石仙

大癡去去去雲嵐付與吳門白石仙

大癡去去去雲嵐付與吳門白石仙

遂懷堂詩集後編卷四

王自元迄今六百幾十年合

人字畫皆入妙寶山書袁翼穀廉

早春

獨立溪橋上隄楊綠未垂風高征鳥健潮逆去帆遲
水壑含殘凍茅檐漏薄曦今朝人日過將近試燈時

題錢舜舉風雨漁村圖手卷

王自元迄今六百幾十年合

此卷爲亡友李寶之明經珍藏寶之疾亟贈
其某友且曰吾貸汝金若干汝若需金以此
卷攜示某人必能如數償也故遂歸於余偶

遂懷堂詩集

後編卷四

一

一展覽爲之憮然按舜舉名選吳興人宋景

定間鄉貢進士趙文敏公蚤歲從之問畫法

元初名公卿題其畫者比諸李伯時王晉卿

張庚申喪亂以後墨蹟流入江南如吉光片羽

水壑含卷尾有南田草衣絕句二首跋語十行稱

畫立奚其布置清閒用筆秀整深得晉卿遺意昔曾

早見其秋江待渡卷筆法相似草衣國初常

州人字畫皆入妙品此書行楷參半規模魏

遂懷堂公神韻逼近王自元迄今六百數十年合

成雙璧眞希世之寶也

一卷溪山筆底生詩人不受畫師名流傳六百餘年
久紙上猶聞風雨聲

桃源深處見漁燈愁話滄桑酒一升寂寞頭銜鄉進
士風流不羨趙吳興

歸舟

百里歸程近艱難上水船過橋人影倒撒網浪紋圓
幽草初飛蝶垂楊未噪蟬今宵還繫纜漁火塔山邊

元夜不寐

邃懷堂詩集

後編卷四

二

人間愁萬斛都到枕函邊鈴急庚郵騎杯豪甲帳筵
梅香窗外覺柑滑袖中傳蕭索無燈市長空月正圓

論元詩

英主求才三十年荒山一鶴逝踟躕瓣香曾奉西江
社只恐昌黎畏後賢

杜陵豪邁未全眞大厯元和步後塵誰識雷溪老贊
善此身還是宋遺民

陵陽先生牟獻之篇中高唱和陶詩東南復見謝臯
羽血淚一腔無盡時

開國長髯異姓王胸中學海本汪洋杜陵詩鉢飄零
久六百餘年在朔方

未識詩家無礙才欲將律隨作胚胎牙尖不拾前人
慧時有鮮新花樣來

伯厚門牆峻且深掃除朽腐發清吟剡源詩品從何
擬數點梅花雪裏萼

年少爭傳枕易詩江南定後鬢如絲吳儂手盥薔薇
露月屋新編日幾披

爲衲爲儒爲宰相卻將餘事作詩人藏春一卷委瀟

邃懷堂詩集

後編卷四

三

灑尙現華嚴法界身

才氣原推第一流南來萬里作纍囚淒然我讀眞州

詠獨立空庭望女牛

風流人物玉堂仙翰墨文章四海傳天語侍臣稱七

絕詩才最似李青蓮

詩多萬首富波瀾披盡泥沙出紫珊可惜遺山先老

死無人持擇痛加刪

騷雅淵源冰雪心朱絃三嘆有遺音富山妙解東坡

語句句詩須放淡吟

漢廷老吏漢經儒日月聲名照九區一代正宗才力
健如潮如海繼韓蘇香齋詩出山補其黃不盡空
甬上雲初靡子遺南園故址草離離嗜痴反厭侯鯖
味不讀清容居士詩其墨於五瓶門盡業靈心兼
截髮搓繩聯斷鐵捲旗作帶裹金瘡那知名將兼循
吏詩骨清於九月霜然各望五神中包藉舌本衙崑
前輩還推楊建之伯生造室共論詩神寒骨重餐霞
子豈是沙場百戰兒

文白先生范德機鶴癯玉帶減腰圍拾遺詩裏憂民
遂懷堂詩集

後編卷四

四

淚數點分沾知事衣

奎閣修書青瑣闈夜吟刻苦月光微丰神略似秦淮
海遊女尋春緩步歸

侍講千鈞筆力雄巋然名望五朝中吟詩舌本甜崖
蜜卻與哀梨味不同

前生長吉錦囊存重現曇花在雁門慧業靈心兼俠
骨直教才調薄西崑

簡淡和平帶奇雋焚香細讀此山詩丹黃不礙空靈
手終是白描老畫師

烟山春語性靈多人識雲莊隱叟窩留得乾坤清氣
在不隨塵劫共銷磨
師旅控僮馬上吟玩齋才氣拔千尋石頭莫放飛花
過一語酸人萬古心
分得江淹謝朓才唱殘樂府望金臺世間更有鹿皮
子詩向仙家換骨來
有客城西問菊邨書林還見讀書孫一瓢水酌箕山
澗招得東湖隱士魂

病鶴離襪竦一肩苦心忠義錄成編山僧拜倒張承
邃懷堂詩集

後編卷四

五

旨詩卷攜歸供法筵
吳霜未點鬢毵毵友石山人白石龕重見子卿持漢
節不隨春雁到江南

寄食浮屠隱姓名愛吟樂府愛談兵廉夫枉自誇三
體竊盡元機玉笥生

鐵笛淒清和洞簫會稽山下有詩妖別開樂府新聲
艷欲把張王一輩祧

懶瓚迂倪只一人掃除穠艷得清真詩名卻被丹青
掩天水王孫是後身

處士名傳郭彥章山河坐覺換斜陽莫言亡國音哀
怨出自離騷百結腸
清節先生騎鶴去江南野史未焚如一編陶謝詩源
正故老猶來訪石初
孝子遺民帶髮僧饑驅乞食憤填膺海巢詩集宵披
讀木葉敲窻鬼撼燈
詩酒風流一代才草堂裙屐委蒿萊鶯啼燕語笙簧
脆未見鯨魚掣海來

風流外史紫陽君手寫黃庭手自焚長嘯登樓一枝
邃懷堂詩集

後編卷四

六

筆三茅秀色已平分

委神搖曳風中柳標格森寒雪後松瓦釜村簫方聒
耳關西鯨吼一聲鐘

五雲閣吏少微星特賜牙章直禁廷定有女伶傳艷
什玉簫象板唱旗亭

到處青山骨可埋洞花幽草不縈懷悔將詩換蘆花
被贏得人知貫海涯

圖史河山跌宕中伯機書配米南宮五言誰是長城
手更使劉郎拜下風

絕妙曹娥幼婦詞斷無孝子不工詩正卿殘稟無多
紙神物千年定護持

後起才名范揭齊綠窻况有蕙蘭妻無人箋注南征
稟俊逸清新我品題

二宋聯吟花萼樓緋衣學士共鳴騶枝頭紅杏驚人
句未必詩才遜一籌

中統元年宣撫使滄桑閱到宋元明題詩痛哭文丞
相絕唱流傳萬古名

徐威卿明天順間在泰山升元
觀一老道士識之真異人也挽
文丞相詩爲
古今絕唱

遂懷堂詩集

後編卷四

七

編修國史侍鑾坡氣節鋒稜不受磨多謝漁洋先摘
錦一聯佳句一長哦

紫巖才氣五陵豪早奉心香杜古高句句搗人心坎
裏勝於鳥爪背窩搔

仙骨珊珊立畫屏讀書簾捲九峯青澄法詩境無渣
滓月到天心水面亭

曾登廣武嘆英雄淚灑新亭夕照中熱血一腔詩百
首道旁人識鐵牛翁

中晚唐音選體裁黍離麥秀寄餘哀竹齋荒圯詩人

老雪夜騎驢獨訪梅

烟雲溪壑盡詩才
醉墨淋漓潑石苔
杯酒誰澆和尚
塢梅花香處大癡來

晚唐詩派荆關畫絕世
丰神姑射姿老去
西湖親訂

稟詩中有畫畫中詩

心事巢由一輩同
詞壇不屑角才雄
昌平紗縠今增價
女伴挑絲織放翁

東山人已返蓬萊
夙世曾分八斗才
料得檜亭明月

夜騎鯨猶見謫仙來

遂懷堂詩集

後編卷四

八

煮石山農隱逸流
騎牛擊劍讀春秋
狂歌金鐵皆飛走
千首詩含萬斛愁

循吏冰衙俗冗無
訟庭春雨長
蘼蕪民間耕織歸吟

卷一軸幽風流火圖

山繞溪環處士家
閉門覓句筆生花
藥房樵唱圍爐讀
冰雪惺鬆沁齒牙

豈肯低頭拜東野
直須長嘯答孫登
九成自寫真懷

抱身立雲臺十二層

南湖貞晦先生集
秋水渟渟開白蕖
莫道纖穠少風

骨玉溪猶近浣花居

子陵不仕劉文叔鄭趙汪甘有四君留得遺黎分閭
位詩壇重整鸛鵝軍

西湖南浦屋編茅緇衲黃冠石訂交八十殘年哭桑
海爲藏詩橐築龜巢

銅狄摩挲泣汴京搜羅野史卅年成遺山編入元人
集地下應聞嘆息聲

論金詩

二十四年小堯舜天章樂府奏笙鏞北兵不擾南人

遂懷堂詩集

後編卷四

九

福麥飯遺黎祭世宗

伯堅痛飲讀離騷相國家聲有鳳毛絕妙選樓五古
手風神如阮復如陶

文章聲價重詞林夙世吳筠慧業深千騎渡河青兕
去北風愁絕竹溪心

楊花飄蕩恨如何龍性難馴觸網羅誰向蒙城購遺
集空山禹廟夕陽多

蘇黃不作文章伯童蔡翻爲社稷臣題壁詩成亡命
去依劉我總薄斯人

清才絕妙嗣唐音尚有南冠戀主心若被僞齊烹鼎
死高名傳誦到於今
彥高樂府掩詩名海岳樓中作館甥吟到殘花啼鳥
句江南愁殺庾蘭成
名竝韓歐日月高一編溢水氣清豪老臣及見天興
事淚濕先皇舊賜袍

黃華山主卽東坡翰墨流傳惜未多遭際明昌全盛
日朝陽鳴鳳詠卷阿

山林長語出新編卧聽清吟勝管絃用成句冰雪心腸

遂懷堂詩集

後編卷四

十

霹靂手掃開詩瘴一千年

退之百斛龍文富付與屏山健筆扛不許詩人再開
口中州豪傑古無雙

牛童馬走識知幾一卷新詩不療饑會出唐人三昧
意無絃琴上更無徽

籍甚才名王子端如何詆白復譏韓慵夫痛下鍼砭
手放大光明法眼觀

海內爭傳鬪韻工天孫織錦巧無窮詩家南渡人多
少都向雲卿拜下風

閩巷聚觀雷御史至今畫像在東平談詩獨契劉京
叔流水空山古瑟聲
德卿風骨似東坡遷謫擠排事亦多只此焚餘詩百
首天荒地老不銷磨
腥臊未滌殘遼習河朔巒光若死灰天賜黃山一枝
筆三唐風雅盡追回
細雨芭蕉葉葉揩苔衣新綠上閒階竹堂小境詩清
婉唱出垂髫雙越娃

少陵豈是村夫子笑倒西巖劉伯深表聖重生改詩

遂懷堂詩集

後編卷四

十一

品落花數片白雲溲

梨花閒淡玉眞仙妙手文章得自然最愛尙書詩一
句嫩涼如水夜如年

萬言諫疏手親持寶劍終當斬虎兒可惜寄庵生太
晚昌黎不見送窮詩

鐵石心肝盡瘁軀蘇卿歸國失髯鬚玉樓人召遺佳
句收入松菴筆底無

下第文英懶慢身千年大雅藉扶輪後生莫效蚍蜉
撼馬異盧仝一輩人

講學平陽三十秋，兌齋詩集重時流。一邱一壑探奇秀，未到峩眉絕頂遊。
飯顆山頭太瘦生，金戈鐵馬氣幽并。愛才雷李皆黃祖，史館誰容一禰衡。
女几山人振古風，韋蘇州與柳河東。空山鼓罷湘靈瑟，獨立梅花雪影中。
欽用時時意出新，翻嫌欽叔未推陳。夢中春草池塘句，康樂終難步後塵。

歸潛志卽元郎史抗手詞場亦大家，嘆息中原淪陷
邃懷堂詩集

後編卷四

十三

日神川誰識賈長沙

哀然成集待誰刪，大節嚴光伯仲間。鶴是老人人是鶴，謫仙魂魄返嵩山。

認桃辨杏由君眼，自有溪山風月知。從此紅梅嫌寂寞，詩人不敢再題詩。

五律宗風淡不枯，襄陽摩詰賞音孤。滄桑幾箇完人在，白髮蕭蕭杜善夫。

河汾諸老大名垂，筆力千鈞麻信之。華嶽秀靈終不滅，吸將元氣入詩脾。

遯菴零落菊軒存學海瀾翻縱壑鯤八十熒蔭誰復
嫁聘書空自到龍門
蜂粘落絮飛還墜燕認新巢去復來人道放翁猶未
死西湖驢背句新裁
杜詩只做尋常語斯語聞諸希白翁畢竟浣花溪畔
過望門不入草堂中

好語如珠顆顆圓仲經詩派出唐賢吳儂攜向花間
讀口頰能生五色蓮

天親撒手作頭陀擲管當防法秀呵卻爲落花留綺

邃懷堂詩集

後編卷四

三

語苦心人恨慧心多

興亡閱歷百年間斗北詩壇峻莫攀李杜白韓蘇陸

後大家一席待遺山

欽定唐宋詩醇六大家爲千古不刊之睿鑒繼放翁而起

者非遺山莫屬

遊鶴嶺觀

鶴去何時還入山不見嶺疎林豁遙阜佳氣接仙境

百級虹垂梯四圍日倒影嵌空聳一閣欄檻俗塵泯

微風奏松籟翠色逼衣冷中有禮斗人觀中設心迹

託箕頽便欲從之遊坐忘聊自警

山中書所見

村農負米二三斗野衲結茅四五間斜矜自通溪外
路矮簷不礙屋頭山疎疎綠荇水清淺淡淡白雲風
往還此卽洞天兼福地太平雞犬亦安閒

老去

老去龍鍾態倍增夢中二豎况侵陵神昏漸似離魂
女意懶真同退院僧濁酒扶頭聊把盞細書迷目屢
挑燈閒來仰視飛鴻過莎徑搢筇力不勝

擬悲哉行

邃懷堂詩集

後編卷四

十四

漢京四百載民不習金革承平官熙皞遑問簡軍實
羸弱備戎伍廝養冒兵籍黃巾起角寶萬戶避鋒鏑
未見賊旌旗將士先逃匿老翁委溝壑少婦縊閨室
小邑擄金繒大郡據城闕長江三千里化作鯨鯢窟
巍巍封疆臣苦乏平戎策捐輸及輿隸召募盡奸猾
閭閻罄膏脂行陣豢蝨蟻聚縱梟盧狼奔附鬼域
有時鋌走險紅帛卽裹額箱囊任採取牛豕恣烹食
假稱義旗兵官吏不敢詰所以古賢誠募勇禍胎結
勞師歷五載鎧甲生蟣蝨非惟筋力惰直使庫藏竭

豈無死綬臣徒死嗟何益一叟前致詞自言草間活
廬舍烈火焚妻孥異鄉隔外寇尙易殲內寇必先磔
覩然冠帶徒甘受僞官檄求生喪廉恥嗜利殉貪墨
苛歛餽賊銀窮戶遍搜剔取其所贏餘私橐飽乾沒
宵行而晝伏代賊作偵謀撫膺天下事草野那忍說
聞言心骨悲欲答涕沾臆百六轉厄運將才應期出
疾掃蚩尤霧爭覩羲和日天網雖恢恢此輩終伏鑊
中宵步曠野翹首占太白何處訪桃源殘年暫栖息

留宿田家曉起卽景

遂懷堂詩集

後編卷四

五

一鳥立牛背烟中渡澗來雲濃仍漏日瀑響不停雷
挈榼分魚鮓傾籃種蕨胎莫言城市好野景足徘徊
將進酒

不飲爲惡客豪飲爲顛僧未得酒中聖奚招方外朋
昔聞鄭康成日飲一石能又聞桓宣武每飲惟三升
我量實小戶蕉葉持兢兢頽然竹榻上橫陳且枕肱
微步花陰間欲策扶老藤偶然值卯醉山妻喚難膺
奴婢或竊笑恐便成聾丞無功已長往誰共糟耶登
天地本逆旅彭殤數何憑不如守方寸照此無盡燈

暮春雜興

眼中時事倍關情，默倚欄杆百感生。
莎徑微風歌蝶翅，柳塘細雨濕鶯聲。
雛孫漸解問奇字，老子猶憐親短檠。
太白陰經何用讀，偶談韜畧衆人驚。

無錢何處構菟裘，絕妙溪山便可留。
簿領困人如縛虎，鄉關歸夢總騎牛。
紫葵開過桐生子，黃鳥啼時麥有秋。
釣月一竿他日事，因看圖畫憶滄洲。

何須眼孔大如輪，直覺新貧壓舊貧。
詩卷終成黃土物，功名不到白頭人。
厨中䟽豆堪供饌，檻外茶蘼獨

邃懷堂詩集

後編卷四

六

殿春暝坐非參，迦葉諦出門。
一步厭紅塵

倘似籠中放白鷗，鬢毛飛雪已紛編。
置身不惠不夷際，寄傲非仙非佛間。
半世折腰嘲俗吏，一編拾唾愧名山。
麾來未肯旋推去，道是城門老抱關。

重遊普甯寺

春風墮絮春冥冥，寺藏修竹門半扃。
老僧遺蛻未火浴，時有毒龍來聽經。
潮陽老鰐拔波起，波底鱖鯪盡東徙。
遊魂千載生甲鱗，戎幙招爲荷戈士。
松楠不作梁棟材，貌貅萬竈飛烟埃。
武侯古柏榦先倒，召伯甘

棠陰亦摧青山流水悄無語舊時石逕埋蒿萊黑劫
茫茫轉輪疾誰知閻相菟裘宅射聲壁壘傍招提重
見丹霞燒木佛

中村宿觀音院曉起望懷玉山

懷玉洞天名籍籍山是主人儂是客管領湖山秋復
春山是嘉賓儂主人羣峰霄際若招手山意欲言惜
無口神交定結覲面緣蒼翠直送袍衿前老夫畏暑
如酷吏腰腳難登玉瑯地先向山靈祝辦香詩盟息
壤祈毋忘前生或是顧金粟他日玉山築草堂

遂懷堂詩集

後編卷四

七

周村道中

叢蘆斜繞菱荷塘纖草低垂石卵墻天氣半晴還半
雨鼻端時撲焙茶香

香山百里

百里傳烽火隣圻已受殃成兵生翼虎官吏觸藩羊
需索無窮日遷延不越疆忽聞風鶴近卷甲盡逃亡
賊氛近境大帥見機先避潰勇二千餘入回至三里
街大肆劫掠用農車百餘輛載貨而去是夜商賈哭
聲滿市

卽事

兵氣能昏皎日光聲傳風鶴逼愁腸無靈木偶憑狐
崇不捕狸奴縱鼠狂逃命窮黎猿入峽攫財悍卒虎
登堂援師反失城門火三里池魚盡被殃
丁男癸女盡流離睥睨孤城守亦危七十老翁非鄧
艾一軍驍將失王隳行臺祇有催糧檄驛路終無報
捷旗遙望三衢天咫尺江郎山頂白虹垂不韜余自

大南橋

黑雲如狗壓山凹委土封尸比二峭人撥草根尋斷
鏃鳥銜觚骨補危巢養癰已誤庸醫手勿頸誰全末
邊懷堂詩集

後編卷四

六

路交死地屯營原險策淮陰兵法孰來教

黑雲竹生花

山凹委土封尸比二峭人撥草根尋斷

爾身大竹花之狀數葉踈縮中含細穗若絲縷穿成
張其蓋者淡青色長二三寸種竹家以爲不祥余自
艾中軍丁已五月來玉山見署中于竿矗矗葉盡焦
丁民葵黃詢其故云闔邑皆然竹旣生花鮮不枯槁
登堂對流寇犯境殆兆於此與魚盡鱗竭
預示烽烟兆先流草木災及時須補種留待鳳凰來

只涼子規啼日光華散風籟盡想無靈木問憑亦

鳥之夜啼者子規戊午二月至七月子規日
夜飛鳴星月之下聲尤清促七月十五日粵
匪三萬餘衆圍攻玉城城中兵勇突圍出勦
三戰三捷賊於二十三日寅刻遁去此鳥遂
絕響蓋羽族得氣之先若有鬼神假之鳴以
告人者可畏哉

百雉孤城圍七日
喋樓登眺月明時
劉琨死後無豪傑
不聽雞聲聽子規

醉後放歌

遂懷堂詩集

後編卷四

九

問余何不歸鄉關耕桑十畝安且閑
渤海潮音盪胸臆松江鱸膾開心顏
書有玉杯待人讀家無金穴憑天慳
會當冷然御風去醉騎黃鶴遊蓬山
鶴背裁雲作牋紙揮毫長嘯驚仙寰
路逢木公與金母年逾十萬形羸孱
贈我真言五字訣云是鈍樸慵癡頑
數聲哀角催夢醒依然身在圍城間

賊退呈平江營統領李次青觀察

萬騎黃巾動地來圍城七日亦危哉
天收兵劫蒼生福人識書生上將才

觀察佩一圖章云百戰書生

報小國自當捐

頂踵同心眞足感風雷憐余衰晚渾無用願向桐江
訪釣臺

病起

已覺無身忽有身

見莊子

天公未許脫紅塵欲同中壘

更名字又是輪迴一度人

浩嘆

厄運逢陽九魔氛塞小千塚多兵解鬼巖少地行仙
苦雨花含淚鬢風柳裂綿驚看髻婦弔野祭遍荒阡

靜觀

遂懷堂詩集

後編卷四

三

塵網重重孰指迷甕中世界等醞雞酒徒未解酸爲
上棋客須知劫便低灰塞難迴弱水北繩長誰繫夕
陽西側生荔子橫栽蔗蒙叟空將物理齊

七十生朝自述

夢繫淞臯屋數椽潮音夜度枕函邊隱娘仙去誰傳
劍陽羨山遙未買田續比道州書下考齡希絳叟欠
三年鯨氛未遠鴻噉野那忍堂開祝嘏筵

腳踏紅塵七十秋勞勞去馬與來牛難憑風角推年
命終愧詩文近俗流香火豈祈木居士形骸將作土

餽頭彭殤悟澈南華旨懶向麻姑借鶴籌

有術者推
余年命云

六十八歲天冲
地尅大限難過

兵燹頻遭萬戶空催科政拙去匆匆吏民共訝因何

事盜賊曾經識此翁

堞口窺視賊營對山一砲飛來
幸未中傷賊在百步之外見城

上有一白鬚遊子還鄉原快意將軍倚樹不言功桂

花香滿懸弧室鼓角聲嚴月正中

城中防兵四
千人未撤

雀羅賓散翟公門舞綵還嬉艸角孫放膽欲彈青史

事盟心不負白雲言輿評尙有平心論劫火全銷過

眼痕留得閱人雙老眼山光水色奈黃昏

邃懷堂詩集

後編卷四

三

哭淞逸四第

一棹蘭溪返沉疴竟不痊衰宗凋骨肉老淚瀉淪漣

鋒鏑吾猶免灰釘汝轉先相逢泉下路未識在何年

五方稱艾青衿守一簞阿兄分薄精弱子僅微官

藥被參耆誤

近服
補劑

身從露電看人亡琴亦絕生死總

無端

哭少侯姪

弱冠同遊泮離羣久索居烽烟千里隔笑語十年疎

避映夷之禍來安
福署中未幾回里畫虎原無誚稱麟豈濫譽方千艱

一第天道究何如

羨汝孫能抱憐余叔更癡竹林曾築屋玉樹忽凋枝

薪米僧逋積文章嘆數奇小樓燈火夜記共讀書時

少侯小余一歲制逾五服從先大夫受業視余如親叔

聞南安府城被陷愴懷前事

內外魚城百雉崇猖狂粵寇欲來攻南安府有內外二城咸豐元年

余在大庾任內城已繕完惟外城西南角女牆數十

堞聞南雄警信役夫逃散不及修葺至次年春始嚴

工義團尙守陽明法保障誰知尹鐸功大庾民間習聯珠弩弓沿

王陽明舊制也咸豐元年賊從南雄州僻徑竄入大

庾之吉口距城三十五里時城中兵勇單薄余率百

姓二千餘眾登陴固守每門城上設大砲二尊夜則

每燄五口燃松木一堆火光燭天賊知有備而退

鶴唳臺關流劫火鴻哀橫浦起腥風指近嶺頭父老

空相憶舊令今成白首翁

丙水魚蝦首歡榮歸玉粵

天破須南交報

我大夫受業顯余賦疎妹

濼木雷轟蘇交章煎煉香心對歎火交噴共齎膏劫

邃懷堂詩集後編卷四

三

